

周易經傳研討——經傳詮釋（七）

National Taiwan Normal University

講師：賴貴三

一、《周易·謙·豫》

● 豫卦卦辭、〈彖傳〉與〈象傳〉

- 豫。利建侯行師。
- 彖曰。豫。剛應而志行。順以動。豫。豫順以動。故天地如之。而況建侯行師乎。天地以順動。故日月不過。而四時不忒。聖人以順動。則刑罰清而民服。豫之時義大矣哉。
- 象曰。雷出地奮。豫。先王以作樂崇德。殷薦之上帝。以配祖考。

一、《周易·謙·豫》

● 豫卦爻辭、象傳一

- 初六。鳴豫。凶。
- 象曰。初六鳴豫。志窮凶也。
- 六二。介于石。不終日。貞吉。
- 象曰。不終日貞吉。以中正也。
- 六三。盱豫悔。遲有悔。
- 象曰。盱豫有悔。位不當也。

一、《周易·謙·豫》

● 豫卦爻辭、象傳二

- 九四。由豫。大有得。勿疑朋盍簪。
- 象曰。由豫大有得。志大行也。
- 六五。貞疾。恆不死。
- 象曰。六五。貞疾。乘剛也。恆不死。中未亡也。
- 上六。冥豫成。有渝无咎。
- 象曰。冥豫在上。何可長也。

二、《周易·隨·蠱》（一）

● 隨卦卦辭、〈彖傳〉與〈象傳〉

- 隨。元亨利貞。无咎。
- 彖曰。隨。剛來而下柔。動而說。隨。大亨貞无咎。而天下隨時。隨時之義大矣哉。
- 象曰。澤中有雷。隨君子以嚮晦入宴息。



二、《周易·隨·蠱》（一）

● 隨卦爻辭、象傳一

- 初九。官有渝。貞吉。出門交有功。
- 象曰。官有渝。從正吉也。出門交有功。不失也。
- 六二。係小子。失丈夫。
- 象曰。係小子。弗兼與也。
- 六三。係丈夫。失小子。隨有求得。利居貞。
- 象曰。係丈夫。志舍下也。

二、《周易·隨·蠱》（一）

● 隨卦爻辭、象傳二

- 九四。隨有獲。貞凶。有孚在道。以明。何咎。
- 象曰。隨有獲。其義凶也。有孚在道。明功也。
- 九五。孚于嘉。吉。
- 象曰。孚于嘉吉。位正中也。
- 上六。拘係之乃從。維之。王用亨于西山。
- 象曰。拘係之。上窮也。

三、《周易·隨·蠱》（二）

● 蠱卦卦辭、〈彖傳〉與〈象傳〉

- 蠱。元亨。利涉大川。先甲三日。後甲三日。
- 彖曰。蠱。剛上而柔下。巽而止。蠱。蠱元亨而天下治也。利涉大川。往有事也。先甲三日。後甲三日。終則有始。天行也。
- 象曰。山下有風。蠱。君子以振民育德。

三、《周易·隨·蠱》（二）

● 蠱卦爻辭、象傳一

- 初六。幹父之蠱。有子。考无咎。厲終吉。
- 象曰。幹父之蠱。意承考也。
- 九二。幹母之蠱。不可貞。
- 象曰。幹母之蠱。得中道也。
- 九三。幹父之蠱。小有悔。无大咎。
- 象曰。幹父之蠱。終无咎也。

三、《周易·隨·蠱》（二）

● 蠱卦爻辭、象傳二

- 六四。裕父之蠱。往見吝。
- 象曰。裕父之蠱。往未得也。
- 六五。幹父之蠱。用譽。
- 象曰。幹父用譽。承以德也。
- 上九。不事王侯。高尚其事。
- 象曰。不事王侯。志可則也。

四、《周易·臨·觀》

● 臨卦卦辭、〈彖傳〉與〈象傳〉

- 臨。元亨。利貞。至于八月有凶。
- 彖曰。臨。剛浸而長。說而順。剛中而應。大亨以正。天之道也。至于八月有凶。消不久也。
- 象曰。澤上有地。臨。君子以教思无窮。容保民无疆。

四、《周易·臨·觀》

● 臨卦爻辭、象傳一

- 初九。咸臨。貞吉。
- 象曰。咸臨貞吉。志行正也。
- 九二。咸臨。吉无不利。
- 象曰。咸臨吉无不利。未順命也。
- 六三。甘臨。无攸利。既憂之。无咎。
- 象曰。甘臨。位不當也。既憂之。咎不長也。

四、《周易·臨·觀》

臨卦爻辭、象傳二

- 六四。至臨。无咎。
- 象曰。至臨无咎。位當也。
- 六五。知臨。大君之宜。吉。
- 象曰。大君之宜。行中之謂也。
- 上六。敦臨吉。无咎。
- 象曰。敦臨之吉。志在內也。

四、《周易·臨·觀》

● 觀卦卦辭、〈彖傳〉與〈象傳〉

- 觀。盥而不薦。有孚顒若。
- 彖曰。大觀在上。順而巽。中正以觀天下。觀盥而不薦。有孚顒若。下觀而化也。觀天之神道。而四時不忒。聖人以神道設教。而天下服矣。
- 象曰。風行地上。觀。先王以省方觀民設教。

四、《周易·臨·觀》

● 觀卦爻辭、象傳一

- 初六。童觀。小人无咎。君子吝。
- 象曰。初六童觀。小人道也。
- 六二。闚觀。利女貞。
- 象曰。闚觀女貞。亦可醜也。
- 六三。觀我生進退。
- 象曰。觀我生進退。未失道也。

四、《周易·臨·觀》

● 觀卦爻辭、象傳二

- 六四。觀國之光。利用賓于王。
- 象曰。觀國之光。尚賓也。
- 九五。觀我生。君子无咎。
- 象曰。觀我生。觀民也。
- 上九。觀其生。君子无咎。
- 象曰。觀其生。志未平也。